

Санкт-Петербургская
православная духовная академия
Архив журнала «Христианское чтение»

П.С. Смирнов

Начало безпоповщинской полемики по вопросу о браке

Опубликовано:
Христианское чтение. 1906. № 11. С. 669-695.

© Сканирование и создание электронного варианта:
Санкт-Петербургская православная духовная академия
(www.spbda.ru), 2009. Материал распространяется на основе
некоммерческой лицензии [Creative Commons 3.0](https://creativecommons.org/licenses/by/3.0/) с указанием
авторства без возможности изменений.



СПБПДА
Санкт-Петербург
2009

Начало безпоповщинской полемики по вопросу о бракъ *)).

Посланіе польскихъ еодостѣвцевъ къ поморцамъ о бракъ ¹⁾).

МНОГОЧАСТНѢ и многообразнѢ, имъ же образомъ желаетъ елень на источники водныя—сиде желала и желаетъ душа наша тцатися блюсти единеніе духа въ союзѣ мира, имъ же едино тѣло и единъ духъ. Якоже бо звани быхомъ апостоломъ во единомъ упованіи званія нашего: единъ Господь, едина вѣра, едино крещеніе, единъ Богъ и Отецъ всѣмъ, иже надъ всѣми нами, такожде и надъ сѣверными странами, елицы близъ окіанскія пучины Божія ради любви жительствоюще ²⁾, ихъ же нынѣ даде Богъ овы благовѣстники, овы же пастыри и учителя къ совершенію святымъ ³⁾ въ дѣло служенія, въ созиданіе тѣла Христова, дондеже достигнемъ вси въ соединеніе вѣры и въ разумъ Сына Божія, въ мужа совершенна въ мѣру возраста исполненія Христова.

Въ началѣ духовному настоятелю еже о Христѣ общаго братства Данилу Викуличу ѥ по немъ второму правителю учительными словеси Андрею Діонисіевичу и со всѣми прочими учительными людьми и еже о Христѣ съ братією, та-

*) Окончавіе. См. сентябрь.

¹⁾ Руконисъ А. И. Хлудова, нынѣ Никольскаго Единовѣрческаго монастыря въ Москвѣ № 350, лл. 1—29 об. Здѣсь посланіе не имѣетъ надписи, но въ концѣ есть приписка: „списано 1823 года. мѣсяца ноября, писалъ Захаръ Ѳедоровъ Бронинъ. Варіанты отмѣчаемъ по двумъ спискамъ Олонецкой духовной семинаріи № 1691: а) кн. 1, гл. 2 и б) кн. 2, гл. 2. Въ обоихъ имѣется надписаніе: „Писаніе честнаго отца Ѳеодосія Васильевича къ честнѣйшему отцу Андрею Діонисіевичу съ прочими“.

²⁾ 1691₂ сожительствующе

³⁾ 1691₁: святыхъ

кожде и повсюду въ васъ иночествующимъ пустынножителемъ и учителемъ, и всякаго возраста христіанскаго сословія рачителемъ, въ нихъ же православіе хранится и христіанство соблюдается,—отъ грѣшнаго и неключимаго во общемъ житіи совѣщателя и отъ всей ми еже о Христѣ братіи, учительныхъ христіанъ¹⁾, стократное поклоненіе и о Христѣ цѣлованіе, во общую радость, аминь.

Изволися вамъ нынѣ, о блаженніи,—якоже рекосте,—отъ любви Божія совокупитися и собратися соборнѣ, не только вамъ, но и изъ Понизовыхъ городовъ учительнымъ людемъ, и радоватися и зѣло возрадоватися вамъ огнемъ любовнымъ, якобы о преспѣяніи нашего праваго благочестія; и паки да якобы тая же любовь, глаголете, и еще возжгла и понудила васъ писати къ намъ,—аще мнится и отъ благаго быти предложенія, но въ лице намъ съ поношеніемъ,—соборное свое посланіе. И азъ многогрѣшный, аще и малъ сый разумомъ и убогъ смысломъ, но братскою молитвою²⁾ въ той же вѣрѣ святыхъ укрѣпляемъ, пріяхъ въ руку съ любовію соборное ваше къ намъ, грѣшнымъ, посланіе и прочтохъ є со вниманіемъ: и овогда подивихся, а иногда прослезихся, видя такую бѣду вашу, яже о насъ. Еже бы³⁾ болѣти и слезити намъ, душею якобы и не любя, или не приѣмля наказанія братня. О семъ бо извѣстно и истинно вѣмы: братъ, братомъ вразумляемъ, яко градъ твердый бываетъ. Но здѣ показася и явися намъ, яко не токмо ктому утверждается, но и все зданіе, и съ основаніемъ,—не яко бы наше, но апостольское и святыхъ отецъ,—возводительными отъ васъ словесы на ны разрушается, и до основанія раскопывается; зане не токмо христіанъ жившихъ⁴⁾ и нынѣ сущихъ, но, по тому же, и святыхъ отецъ прежде бывшихъ и хранящихъ апостольскія уставы отъ самаго воплощенія Господа нашего Исуса Христа и до нынѣ, то ваше посланіе и соборное наказаніе, въ возводительныхъ словесѣхъ на ны, явѣ въ безконечныхъ огненныхъ и жупельныхъ мукахъ вашими словесы осуждаетъ⁵⁾. Сего ради, аще и болѣзнованіе ми душа о сихъ отписати вамъ, да извѣстится къ вамъ о сихъ извѣстно въ словесѣхъ весь совѣтъ нашъ. Но понеже убо тѣсное разума и недоумѣтельное⁶⁾ языка моего свѣдѣй,—много лѣняхся, о блаженніи, яже выше силы моя начати и немощная дерзнути, якоже нѣкии безстудни или дерзости уго-

1) 1691, и 1691: учительныхъ и простыхъ и повсюду православныхъ христіанъ

2) 1691: любовію

3) 1691, и 1691: и да невозмнится сія кому она ежебы

4) 1691: живыхъ

5) 1691: мукахъ осуждаетъ

6) 1691: недоумѣнная

тованныи, иже сицевая дерзающихъ смотря бѣды ¹⁾. Аще, по апостолу, и вся ми лѣтъ суть, но не вся на пользу; и паки: вся ми лѣтъ суть, но не вся назидаютъ. Аще бо Моисей, онъ божественный законоположитель, иже всякаго чело-вѣческаго видѣнія отлучивъ себе и житія тревоженіе оставль и явленіе всякое вещественное отрясь, и души зрительное очистивъ, отвсюду ²⁾ къ боговидѣнію бывъ потребенъ; и еще ³⁾ къ намъ Бога Слова чело-вѣколюбное сошествіе и Того пачеестественное воплощеніе въ купинѣ, и невещественнѣмъ огни видѣти сподобися, распалаящу убо и разжигаящу купину и къ своей свѣтлости прилагающу и, непопалаяще же ⁴⁾, ниже потребляюще, ниже убо своего ся естества изступающу ⁵⁾; иже первый Сушаго и поистинѣ Пресущественнаго суща наученъ бывъ Имени, и своихъ соплеменныхъ предстательству ⁶⁾ отъ Бога поучаемъ,—гугнива нарицаше себе и косноязычна, яко не могій послужити божественному совѣту и чести и святыхъ явленію извѣстити и ходатай быти Богу и чело-вѣкомъ: и сія многажды помышляхъ и глаголахъ о себѣ, како азъ, оскверненный всякимъ грѣхомъ и окаляхъ въ тинѣ ⁷⁾ всякаго зла, нося же и помысла въ себѣ многосмущенную бурю и ниже умъ, ниже размысль ⁸⁾ очищенъ имѣя, якоже зеркало къ Богови Святому, къ симъ ⁹⁾ писати покушуся или словеса глаголати покажуся? На обаче, иже въ насъ богоноснии отцы и разума истиннаго таинницы, се послушаніе быти уставляютъ, во яже паче силы неразсудно повелѣвающихъ послушати. И яко аще бы не ¹⁰⁾ страхъ и многа ¹¹⁾ бѣда была—яремъ преподобнаго послушанія, паче же матеръ всѣхъ добродѣтелей отъ себе отметнути, быхомъ безсловеснѣ въ яже суть паче силы наша дерзнули. Такожде, егда и начнемъ съ Богомъ глаголати, или рещи: бесѣдовати къ вамъ, да не возмнися, яко бы намъ тщатися любопрѣніе противу показати, или нѣкако въ словесѣхъ тщеславіе являти, или похутающимся свести на безмѣріе въ десная или на умаленіе въ лѣвая хотящимъ ¹²⁾ теши самымъ царскімъ путемъ къ велией почести вышняго званія. Вѣмы

¹⁾ 1691: немощная дерзнути. Аще, по апостолу

²⁾ 1691: повсюду

³⁾ 1691: иже

⁴⁾ 1691: и разжигаящу, не попалаяще же

⁵⁾ 1691: и 1691₂: заступающе

⁶⁾ 1691₂: предстательства

⁷⁾ 1691: окаляхъ въ тинѣни, 1691₂: окаляхъ въ тинѣни

⁸⁾ 1691: разумъ

⁹⁾ 1691₂: съ кимъ

¹⁰⁾ 1691: аще не бы

¹¹⁾ 1691: люта

¹²⁾ 1691: хотящихъ

бо ¹⁾), вѣмы извѣстно, яко бо оба та пути одинаки суть къ погибели, яко въ низводящій на слабость въ низоту, таковъ и возводящій на безмѣрие въ высоту, и якоже погубляетъ возношеніе и славолубіе, тако низлагаетъ снастоялюбіе и плотолубіе. Того ради и Златоустый ²⁾ глаголетъ не яко на дѣланное или якобы и глаголанное отъ кого смотрити подобаетъ точію, но и вину бываемымъ ³⁾ искати ⁴⁾). Еже бо по воли Божіей бываемое, аще и зло быти мнится, всѣхъ добрѣйшее есть: а еже паче воли Божія, еже Онъ не хочетъ, аще и добрѣйшее быти мнится, всѣхъ злѣйшее есть и незаконнѣйшее. Понеже многа суть таковыхъ различія, такоже и образы безмѣрныхъ начинаній, еже по слову или по виду дѣла якобы добра или красна или полезна являються, а вещь отъ воли Божіи въ ересь склоняють и анаемы подлагають. Яко обращающагося отъ грѣха не приемай кто въ покаяніе—антихриста себѣ творить; такожде и Максимъ ⁵⁾). Киникъ—волкъ нарицается вмѣсто пастыря, аще и вся грѣхи прощати готовъ согрѣшающимъ. И якоже маголеміи чистіи за ересь свою погибають, тако и блудницы во огнь вѣчный отходятъ. И есть ересь разумоборцовъ, и есть ересь обычае-претыкатель, и есть ересь кривосказатель ⁶⁾), и есть ересь словоистолкователь ⁷⁾), также ⁸⁾ и раздорникъ. Сего ради о священнѣхъ правилѣхъ наказуетъ преподобный Никонъ христіанъ—до кончины вѣка хранити. И паки о сохраненіи и о соблюденіи святыхъ соборовъ и правилъ ихъ глаголется въ Кормчей, иже всяко отражаетъ мнѣніе и суетное сопротивословіе: послѣдуй же, рече, прежде его святымъ соборомъ—той соборъ святъ есть; непослѣдуй же прежде его святымъ соборомъ не святъ, но искорененъ ⁹⁾ есть и отверженъ. Сія же вся преднаписанная глаголетъ изложенія же и отвѣщанія святыхъ соборовъ. Аще кто отъ угодныхъ ¹⁰⁾ богоноснымъ отцемъ поколебаеть ¹¹⁾ что, не ктому се смотрѣніе нарицаемъ, но преступленіе преданія вмѣняемъ и къ Богу нечестіе. И сія правила, яко же предрекохомъ, подобнѣ и градстїи законы сїце глаголють, яко еретикъ есть и еретическимъ подлежатъ законамъ, аще и мало что уклоняйся отъ православія вѣры. Павелъ же апостоль, и большее благобоязнь-

¹⁾ 1691: Вамъ бо

²⁾ в а полѣ: Маргарить, на іудея.

³⁾ 1691: бывшихъ

⁴⁾ 1691: отсель и кончая словами: „той соборъ святъ есть“ пропускъ

⁵⁾ 1691: Михаилъ

⁶⁾ 1691: камопретыкатель

⁷⁾ 1691, и 1691: словоискатель

⁸⁾ 1691: тоже

⁹⁾ 1691: оскверненъ

¹⁰⁾ 1691: чуждихъ

¹¹⁾ 1691: повелѣваетъ

ство ¹⁾ хотя вложить ²⁾, страшная глаголетъ: аще мы, рѣче, или Ангель благовѣститъ вамъ паче преданнаго, проклятъ да будетъ. И сія чесо дѣля? Яко да не будетъ ³⁾ въ насъ зрѣнія или обляновенія на лица человѣча. И о сихъ преупокоимъ слово дозѣ.

Принесемъ же нынѣ и настоящая къ вамъ, о немъ же намъ повѣсть предлежитъ,—да изглаголемъ. Пишете вы къ намъ, о блаженіи, и скажете о своей преискренней любви сицевыми словеса: понеже любви Божія ⁴⁾, совокупившая ны во едино упованіе вышняго званія: та убо вся беззавистнодержнѣ держаетъ,—и учитися и учити, и совѣтовати о полезныхъ и совѣта блага искати; та и понудила премудраго нѣкоего реңи: дай премудрому вину и премудрѣ будетъ, та же и насъ нынѣ, соборнѣ собравшихся, возжгла ⁵⁾ огнемъ любовнымъ,—та же де ⁶⁾ убо, глаголете, —и понудила насъ писати къ вашей любви о привнесшемся обычаи въ нѣкинхъ христіанѣхъ вашей паствы, иже въ невѣдѣніи христіанства спрягшися съ женами, и потомъ, по познаніи и по крещеніи, паки сожителъствуютъ чадородіемъ, кромѣ бываемаго на таковыхъ браковѣчанія. Къ попущенію же таковыхъ сожителъствъ приводится,—якоже рекосте,—отъ нашего ⁷⁾ паствырства свидѣтельство отъ слова преподобнаго отца Іосифа Волоколамскаго ⁸⁾: якоже пишетъ ⁹⁾ священномученикъ Климентъ, Петра апостола ученикъ, егда апостоль Петръ въ Римѣ Софію востави отъ недуга, и прежде всѣхъ вѣрова мужъ ея въ Господа нашего Ісуса Христа, и вѣроваше въ той день три тысящи; и повелѣ апостоль поститися всѣмъ 40 дней, и пришедшу времени крещенія, крести всѣхъ во имя Отца и Сына и Святаго Духа. И потомъ бяше имъ совѣтъ и поученіе апостола, аще отъ нихъ восхоцетъ кто пріити на дѣвственное житіе; и приступиша къ нему отъ нихъ 160—дѣвственное житіе пріяша; апостоль же тѣхъ пострижи повелѣ. И паки рече апостоль: аще кто хоцетъ воздержатися и легкокъ на высоту быти измѣною, да идетъ на особная мѣста тихая, да ту празднуетъ молитвами и алканіемъ и почитаніемъ и ума очищеніемъ; прочіи же по своему подобію, яко же кто изволитъ. И сія убо свидѣтельства,—рекосте вы,—яко вы, пріемше въ руку, соборнѣ

¹⁾ 1691: богобоязньство

²⁾ 1691: въ вы вложить

³⁾ 1691: да не будетъ.

⁴⁾ 1691. 1691₂: и скажете о своей преискренней любви Божія

⁵⁾ 1691: возжгла

⁶⁾ 1691. 1691₂: также

⁷⁾ 1691: вашего

⁸⁾ 1691: Володекаго

⁹⁾ на поля: Иноческой Потребникъ

разсмотримъ, и не обрѣтаемъ,—глаголете,—въ нихъ помогающее такому сожителству ни мало. И паки, глаголющи апостольское слово: прочіи же по своему подобію, якоже кто изволить,—толкуя, изнесите: и сихъ ради словесъ, глаголете, аще надежно крещшимся мужу и женѣ безъ вѣнчанія смѣшаться? И паки наказуете ны и о той же апостольской рѣчи пишете: но понеже онъ, верховный апостоль Христовъ, не къ супружнымъ точію вѣщая сіи слова, но ко всему народу, тремъ тысячамъ, въ нихъ же, толикомъ народѣ, лѣпо быти и супружнымъ и несупружнымъ, юношамъ и дѣвицамъ и дѣтямъ малымъ, отъ нихъ же, толикаго множества народа, точію 160 дѣвственное житіе пріяша, прочіи же по своему подобію, якоже кто изволить,—аще кто безъ вѣнчанія возмнѣтъ ¹⁾, сихъ ради словесъ, жити, то не точію супружнымъ, но и юношамъ дѣвицъ поимати безъ браковѣнчанія поуститъ, понеже общее ко всѣмъ сіе слово речеся, и явель блудъ въ церковную породу внидетъ тако. И паки, еще повлачая ны, къ тому глаголете: аще ли кто восхоцетъ отдѣляти супружныхъ отъ несупружныхъ, глаголя, якоже и глаголютъ: сіи въ невѣдѣніи посягли, друзіи же въ вѣдѣніи,—и сего разума въ апостольскихъ словесѣхъ онѣхъ поискавъ, глаголете, не обрящещи, и раздѣляти ихъ будетъ по нѣкому своему разсужденію, а не по апостольскому законоположенію.

Оле дивство и веліе чудо,—отъ собора вашего къ намъ, грѣшнымъ, на апостольское законоположеніе страшнаго и крѣпкаго отвѣта! Яко бы и блудниковъ и блудницъ посягшихъ, и въ вѣдѣніи въ блудъ впадшихъ, раздѣляти ихъ, глаголете, будетъ по нѣкому своему разсужденію, а не по апостольскому законоположенію! Что же апостоль сопротивъ вашего отвѣта глаголетъ? Или не вѣсте, рече, яко прилѣпился сквернодѣйцы ²⁾ едино тѣло есть съ блудницею, будета бо, рече, въ плоть едину оба. И паки: не льстите себе, рече, ни блудницы (и прочіихъ злобахъ исчетъ глаголя) царствія Божія не наслѣдятъ. И въ правилѣ 26-мъ В (асілія) Великаго о семъ вѣдѣніи показуетъ, яко блудъ не бракъ есть, ни браку начало, но грѣхъ и преступленіе закона Божія; якоже аще кто по блудодѣянію совокупится съ женою, да отступитъ отъ нея. Также и въ Номоканонѣ, правило 176-е являетъ ³⁾: прелюбодѣйи или явленный блудникъ не прие́млется въ церковь, ниже приносы его, аще не оставитъ грѣха, по 39 правилу Великаго Василія. Что къ симъ глаголати будете яже о несупружныхъ и въ вѣдѣніи посягшихъ? Оглаголюя насъ, поносяще рекосте: и раздѣляти ихъ будетъ по нѣкому своему разсужденію, а не по апостольскому законоположе-

¹⁾ 1691: изволить

²⁾ 1691: прилѣпивыйся блудницы

³⁾ 1691: правило 172 уставляетъ

нію. И въ томъ вы словеси, апостола Петра, тако и насъ, многогрѣшныхъ, возводителными словеси скверныхъ и блуду учительныхъ нарекосте. Понеже якобы Петръ въ своемъ ученіи, егда отлучашася на дѣвство 160, прочимъ по сихъ, и несупружнымъ, повелѣ, тако глаголя: прочіи по своему подобію якоже кто изволить,—и на ны пишеть, якоже и глаголють словеса ваша. Но мы, аще и многогрѣшна, но не тако неистови есмы, яже бы комуждо отъ нихъ, яко мужемъ тако и женамъ, и якоже вдовицамъ такъ и вдовцамъ, и якоже юношамъ, тако и дѣвицамъ, по святомъ крещеніи не разумѣти, по апостолу, по своему подобію законнѣ пребывати.

Аще ли паки еже пишете на ны, зазрѣвъ намъ по святомъ ихъ крещеніи о раздѣлѣ суируговъ, брачнвшихся отъ еретикъ, якобы о сихъ и глаголють нѣщии отъ насъ: и сии въ невѣдѣніи посягли, друзіи же въ вѣдѣніи, а обои поганскими или еретическими браки. Вы же ¹⁾ глаголете: и раздѣляти ихъ будетъ по нѣкоему своему разсужденію, а не по апостольскому законоположенію. И о сихъ вѣдомо вамъ да есть—книга Θεодора Вальсамона, правило 68: якоже рекло Писаніе, еже еретической бракъ нѣсть бракъ, но блудилище, и аще обратятся ко истиннѣй вѣрѣ въ соборной апостольской церкви, и крещеніи муромъ помазуются токмо, и аще хотять жити совокупно, аще дѣти будутъ,—паки да вѣнчаются въ церкви. Что же къ симъ: еще ли и сей таковой бракъ, незаконный, по вашему укору ²⁾ раздѣляти будетъ по нѣкоему своему разсужденію, а не по апостольскому законоположенію? О нихъ же Златоустый, наказуя, опасаетъ: врази бо непріязни ³⁾ церковныя еретицы, ничимъ же разни отъ прочихъ поганыхъ, незнающихъ Бога, во вся роды погибели предадутся. И о томъ всякаго христіанина такожде въ Номоканонѣ и святой Тимооей Александрійскій наказуетъ: со еретики и къ еретикамъ не ходи, за преслушаніе же того на таковыхъ церковную казнь—апостольское 66-е правило повѣдаеть: вшедый въ соборище іудейское, или церковь еретическую или поганску, и помолився съ ними, аще убо есть мірскій человекъ, да отлучится, аще ли причетникъ, да извержется, яко іудейская мудрствуай. Кольми паче, аще христіанинъ сый и по крещеніи дерзнетъ вѣнчатися отъ жидовъ, или отъ поганыхъ или отъ еретиковъ, то и отъ градскаго ⁴⁾ закона таковой конечнѣй ⁵⁾ муцѣ повиненъ есть.

Да вы же и еще пишете, понося намъ, и якобы вопрошая, а сами уже по малу и отвѣты творите. И аще будетъ

¹⁾ 1691: выше

²⁾ 1691. 1691: уроку

³⁾ 1691: непріятніи

⁴⁾ 1691: гражданскаго

⁵⁾ 1691: безконечнѣй

по отвѣтамъ вашимъ Богъ ны судити, то явѣ и апостоломъ и святымъ отцемъ лѣтъ есть за свои уставы съ нами страдати. Аще ли ни, то блюдите, да не сами въ сихъ постраждете за хулу и разсѣченіе браковъ законныхъ, якобы и доннѣ отъ познанія вѣры показуется не пріимати въ церковь. Аще нѣци, невѣрніи суще, законнымъ бракомъ совокупишася, и потомъ мужъ убо невѣрный приступитъ къ вѣрѣ, тако же и жена, и по крещеніи ихъ тамошнее законное ихъ брачное совокупленіе растерзаете и глаголете: зѣло бѣдовмѣтно есть и страха полно таковымъ смѣшати, кромѣ церковнаго брачнаго освященія. И наки приводя рѣчи изъ чину браковѣчанія, отъ указа священникомъ, конмъ вѣнчати повелѣно, якобы сей бракъ, иже, невѣрніи суще, законнымъ бракомъ совокупишася и, по крещеніи ихъ, за смѣшеніе безъ браковѣчанія, якобы беззаконна отменются, —идѣже сихъ ни едино слово во отметаніе помянется, или беззаконный той бракъ быти изглаголется. А вамъ смѣти оттуду, отъ себе и съ дерзостию на ны, толковати сими глаголы: и да не глаголетъ, рече, кто, яко до крещенія шедшимся лѣтъ есть по крещеніи смѣшати, —здѣ бо церковный законъ, яко ножемъ истины, перерѣзуетъ вся извѣты и единымъ словомъ заключаетъ церковную тайну, глаголя: вся прочая супружества, кромѣ вѣнчанія, беззаконна.

И наки, устоявъ на семъ словѣ, якобы и на сей бракъ глаголется—такожде ему по крещеніи безъ вѣнчанія не быти, съ дерзновеніемъ пишете: а елма глаголетъ „вся супружества“, къ тому прочее не одинаго супружества ¹⁾,—отъ сей рѣчи толкуете,—оставляетъ быти въ церкви кромѣ чиннаго церковнаго вѣнчанія. И аще бы мы, скудоумніи, отъ таковой рѣчи сей на таковой бракъ что отъ хулы своей отрыгнули, и то бы намъ не бѣше чудно таковая изглаголати, якоже бо и апостольскою рѣчью насъ, пиша, повлачаете. Намъ же убо, грѣшнымъ, аще и не смыслени умомъ, уставъ той священникомъ о брацѣхъ показуется: да не будетъ бракъ беззаконный, безъ вѣнчанія, въ христіанѣхъ межъ юношъ и дѣвъ, или вдовъ и вдовцовъ, и отъ избѣглыхъ, такоже и отъ похищенія, и отъ насилія, или по любви, но тайнымъ, безъ вѣнчанія, —та, яко беззаконна и ничтоже суца, отменются; того ради поставляются и свидѣтели быти, того ради и уставляетъ и вѣнчанію быти въ церкви, и при людехъ да будутъ. Тѣ законные браки были кромѣ всякаго правильнаго препятія, о томъ и вся Кормчая свидѣтельствуется. А къ тѣмъ убо, аще нѣци, и не вѣрніи суще, законнымъ бракомъ совокупишася, и потомъ крестисася, тамо во уставѣ и во всей Кормчей разсѣченія браку ихъ нѣсть.

Вы же, много ратуючи на ны, и еще хулите тако: и зѣло де неправедно и бѣдно тѣмъ, иже и до крещенія шедшимся

¹⁾ 1691, 1691: вся супружества,—отъ сей рѣчи

въ супружество по ветхому человѣку, а въ новаго человѣка облечшимся, а на супружество браковѣнчанія церковнаго и іерейскаго благословенія не имѣющимъ,—смѣшатся чадородіемъ. И не вѣмъ, что тако къ симъ рѣчемъ и съ каковымъ умысломъ прикрывъ еще рѣчь, пишете: а не реку сквернитися не по христіански. А еще и при толицѣмъ страхѣ, апостольскому священному слову глаголющу: аще кто растлитъ церковь Божію, растлитъ того самого Бога, зане отъ святаго крещенія человѣкъ бываетъ церковь Божія — чиста, и свята, и непорочна: аще ли кто ю блудно растлитъ въ себѣ или въ другомъ чьемъ лицѣ, самъ Богъ грознымъ и яростнымъ мщеніемъ и Собою мстити хочетъ таковымъ, рекше нестерпимыми и прегрознѣйшими муками въ безконечныхъ огненныхъ и жупельныхъ мукахъ; тѣмже боятиса и трепетати имъ подобаетъ о сихъ, да не когда такового ради небраковѣнчаннаго смѣшенія чужды обрящутся здѣ соборныя апостольскія церкви, въ будущемъ же вѣцѣ да не виѣ небснаго Женихова чертога изгнани будутъ, зане осквернившіи боготканную одежду святаго крещенія.

Слышимъ убо, о возлюбленніи, сіи ваши къ намъ страшныя и зѣло воспретительныя о сихъ глаголы, и помышляемъ днесь, якобы аще и намъ такоже прилучитися о сихъ, купно съ вами возревновать ¹⁾. Пощади, Христе Боже! Тогда отъ Христа и отъ святыхъ апостоловъ, такожде и отъ святыхъ ²⁾ отецъ разума и отъ ихъ преданія въ зѣло темень и глубокъ ровъ такова нечестія ниспасти бы было. Тѣмже да принесемъ во свидѣтельство истинная словеса о сихъ вселенныя благовѣстника и учителя Павла; и аще разума въ рѣчахъ его недостаткомъ своимъ не обымемъ, и мы воспросимъ о сихъ толкованія учителя Златоустаго, и той открыеть намъ всяко.

Что же апостоль о сихъ пишеть? Имамъ убо похвалу, рече, во Христѣ Ісусѣ (въ тѣхъ), яже къ Богу. Не смѣю бо глаголати что, иже не содѣя Христось мною въ слушаніи языковъ, словомъ и дѣломъ, тако, якоже ми отъ Іерусалима и окрестъ даже до Иллирика исполнити благовѣствованіе Христова. Счисляй прочее, по Златоусту, и грады и веси, и языки и народы, не подъ Римляны самими, но иже и подъ Варвары: не бо ми сквозѣ Финикію и Сирію и Киликію и Каппадокію да идеши путемъ, но и задняя вся помышлай—и Саракины, и Персы, и Армены, и иныя варвары. Сего бо ради рече „и окрестъ“: да не просто общимъ путемъ идеши токмо, но и всякимъ, и иже на Югъ — Асію да обтечеша умомъ. А якоже многособраніе чудесъ—единѣмъ словомъ мимотече, рекій: въ силѣ знаменій и чудесъ, въ силѣ Духа Божія. Сиде и грады неисчетныя, и языки, и народы, и страны:

¹⁾ 1691.; возревновавъ

²⁾ 1691.; тогда отъ Христа и отъ святыхъ отецъ.

единѣмъ паки сѣмъ совокупи глаголомъ, еже „окрестъ“. Сиде же потщався, рече, благовѣстити, идѣже не именовася Христось, да не на чуждемъ основаніи созижду, рече. Такожже являютъ и посланія его благовѣстіе—къ Римляномъ, и къ Коринояномъ, и къ Галатомъ, и къ Ефесеномъ, и къ Колосаемъ, и къ Солунянамъ, такжеде и къ Евреомъ, и къ Филипписіомъ. И отъ тѣхъ языковъ писаша ¹⁾ убо къ нему Фортунатомъ, и Стефаниномъ, и Ахайкомъ, имъ же и той пишетъ,—и сіе яви при концы посланія, — не убо о всѣхъ, но о брацѣ и дѣвствѣ. Тѣмъ же и глаголаше: А о нихъ же писасте ми: добро челоуѣку женѣ не прикасатися. Писаше бо къ нему, аще достоинъ удалитися жены, или ни? И къ нимъ описуя и о брацѣ законополагая, вводитъ и еже о дѣвствѣ слово: добро челоуѣку не прикасатися женѣ—аще убо доброе и зѣло преимущее ищещи, рече, лучше ниже отнюдь приобщатися женѣ. А оженившимся завѣщаваю не азъ, но Господь,— понеже законъ, извѣстными словесы отъ Христа положенный, хоцетъ прочитати, о еже кромѣ блудодѣянія не оставляти жены. Сего ради глаголетъ: „не азъ“, а идѣ же „азъ“; сія словеса имуть различіе. Да убо ниже сегова челоуѣческая быти нещучеши, сего ради наведе: мню бо ся и азъ Духъ Божій имѣти. Что убо еже оженившимся завѣща Господь? Женѣ отъ мужа не разлучатися; аще ли же и разлучатися, да пребываетъ безбрачна, или да смирится ²⁾ съ мужемъ своимъ; и мужу жены не отпущати. Понеже и воздержанія ради и иныхъ ради извѣтовъ и малодушія приключохуся бывати раздѣленія: лучше убо, неже ³⁾ быти началу, рече; аще ли же и будетъ, да пребываетъ жена съ мужемъ, аще и не смѣшеніемъ, но за еже никогоже другаго приводити мужа.

Сіе убо, о возлюбленніи, добро бы, по апостолу Павлу и по Златоусту, и вамъ и намъ въ мѣру глаголати, и чистое сквернымъ не нарицати. Горе бо оглаголюющимъ доброе зломъ.

Аще ли же пишете къ намъ, поношая ны, глаголя: покажи же ми, откуда ти крѣпятся, иже до крещенія совокупившіися и по крещеніи смѣшати имъ кромѣ церковнаго чиннаго браковѣнчанія; понеже де во апостольскомъ законоположеніи, и въ вышереченномъ свидѣтельствѣ, того разсужденія не обрящещи. Здѣ къ вамъ о сихъ подасть апостоль зѣло крѣпкій отвѣтъ: кождо въ званіи, имъ же призванъ бысть, въ томъ да пребываетъ. О нихъ же въ правилѣ 72-мъ вселенскій шестій соборъ свидѣтельствуеть: аще же нѣщии, невѣрніи суще, законнымъ бракомъ совокупишася, и потомъ мужъ убо невѣрный приступитъ къ вѣрѣ, жена же еще лестию одержима есть, и аще волишь вѣренъ мужъ жити съ

¹⁾ 1691: писано

²⁾ 1691: или да случится

³⁾ 1691: ниже

невѣрною женою, или вѣрная жена съ мужемъ невѣрнымъ, да не разлучается, по божественному апостолу: святить бо ся, рече, мужъ невѣренъ женою вѣрною и жена невѣрна мужемъ вѣрнымъ. И тако, рече Златоустъ, во всѣхъ церквахъ, повелѣвая же ¹⁾ апостолъ. Сего ради святїи въ Кирилловѣ книгѣ, аще и о крещенїи малыхъ дѣтей, отъ апостолъ увѣрля, новокрещенцовъ наказуютъ, яко Христось не посла учениковъ своихъ къ вѣрнымъ, но къ невѣрнымъ, ихже потребно первіе учить, потомъ же крестить, не токмо великихъ, но и со всѣми домашними ихъ, сирѣчь съ женою и съ дѣтьми, якоже и нынѣ егда кто отъ жидовъ, или отъ еллиновъ, или отъ иныхъ невѣрныхъ, возрастной дѣты, восхощетъ креститися, первіе его православною вѣрѣ научати и, научивъ, аще имѣетъ жену и дѣти, привести его на то ученїемъ тѣмъ, дабы съ женою и съ дѣтьми, и просто рещи— со всѣмъ домою своимъ святое крещенїе воспрїяли. Тако бо и апостоли твориша, якоже Павелъ и Сила приведоша въ вѣру стражника темничнаго, и крестиша со всѣмъ домою его, такоже и Криспа начальника, и иныхъ многихъ, якоже и самъ Павелъ апостолъ свидѣтельствуеть, крестихъ же и Стефаниновъ домъ. Тому же подобно и Иоаннъ Богословъ крести Мирона и жену его съ тремя сыньми. И тамо же приложи, якоже одинаго дне мужей, двѣсти ²⁾, и съ ними вкупѣ жены и дѣти ихъ. Такоже и Аноипата—судїю съ женою и сыномъ. Сїя бо суть неложная свидѣтельства, яко и апостоли дѣти крестиша.

И о брацѣхъ ихъ супружества пишете къ намъ: умоляно здѣ ³⁾, молчи де и ты. Но намъ, грѣшнымъ, невозможно суть унати трубъ богоносныхъ и чрезъ насъ вопїющихъ Павла и со Златоустомъ по вселеннїи: кождо въ званїи, имже призванъ бысть, глаголють, въ томъ да пребываетъ; глаголю же безбрачнымъ и вдовицамъ, добро имъ есть, аще, рече, пребудуть, якоже и азъ; аще ли не удержатся, да посягаютъ; а оженившимся, рече, завѣщаваю не азъ, но Господь: женѣ отъ мужа не разлучатися; аще ли же и разлучится, да пребываетъ безбрачна, якоже и при Петрѣ апостолѣ отъ трехъ тысячъ, по святомъ крещенїи, 160 прїяша дѣвственное житїе; прочїи же по своему подобїю, якоже кто изволитъ, рекъ апостолъ. Еже и выше къ женѣ глаголется: аще ли же разлучится, да пребываетъ безбрачна, или да смирится съ мужемъ своимъ, и мужу жены не отпущати. По неже бо, пишетъ Златоустъ, и воздержанїя ради, и иныхъ ради извѣтовъ, и малодушія приключохуся бивати раздѣленїя: лучше убо ниже быти началу, рече; аще ли же и будетъ, да пребываетъ жена съ мужемъ, аще и не смѣшенїемъ, но

¹⁾ 1691; повелѣваетъ

²⁾ 1691; мужей, ихъ же бѣ двѣсти

³⁾ 1691; гдѣ

за еже никого другаго приводити мужа. Сія бо не суть препоны ¹⁾ къ благочестію. Жену имѣя невѣрну званъ былъ еси, пребывая имѣя ю, и ради вѣры не изгоняй жену; рабъ ли сый призванъ былъ еси, да не нерадиши, аще ²⁾ и можеша свободенъ быти, но наипаче употребляй сего, сирѣчь наипаче работай; въ необрѣзаніи ли сый званъ былъ еси ³⁾, пребывая необрѣзанъ; въ обрѣзаніи ли сый вѣровалъ еси, пребывая обрѣзанъ. Се бо есть: комуждо якоже раздѣлитъ есть Богъ. Сія бо, рече Златоустъ, не суть препоны къ благочестію.

Вы же, о возлюбленніи, вся сопротивная симъ и отметая, со всѣми святыми ратующися,—аще кому покажется и отъ благаго предложенія,—на ны писали есте, толкуя отъ себе. Да и отъ всѣхъ де божественныхъ писаній явѣ показуется, яко ина тайна есть святое крещеніе, и другая де есть браковѣнчаніе; крещеніе де супружныхъ и несупружныхъ равно освящаетъ, Адамля первороднаго грѣха очищаетъ ⁴⁾ и отъ всѣхъ прочихъ его богомерзкихъ дѣяній обмываетъ, и отъ прежняго языческаго совокупленія очищаетъ ⁵⁾, и Божіе сыновство подаетъ, и во Христа облакаетъ. „Елицы бо во Христа креститесь, во Христа облекостесь“—апостольское де насъ священное слово научаетъ, а не мужа де съ женою во едину плоть совокупляетъ. И понеже де первое кого сожитіе съ женою до крещенія по ветхому челоуѣку бысть,—всякому вѣдомо есть; и понеже ветхаго челоуѣка, тѣлемаго въ похоти, совлечеса крещаемый: совлечеса и дѣяній его,—отста де отъ ⁶⁾ совокупленія жены, иже не по церковному освященію даемая, въ новаго же облечеса—Христа. Не убо де и оба вкупѣ, но особъ убо мужъ, особъ же жена,—яко бы они, по васъ, уже и Христа раздѣлили. И отъ браковѣнчанія де исходятъ овѣ больша, другая же менѣ, овѣ глава женѣ, другая же покореніе нося, и бывають оба во едину плоть, яко же священный чинъ церковный браковѣнчанія насъ научаетъ. Отъ крещенія же оба де исходятъ равно во Христа облечени, и ни овѣ больше, другая же мнѣе, о Христѣ бо де Ісусѣ вѣсть мужескъ полъ, ни женскъ; крещеніе бо братство подаетъ, а не тѣлесъ совокупленіе. И зѣло де бѣдовѣтно и страха полно таковымъ смѣшатися, кромѣ церковнаго брачнаго освященія и сквернитися не похристіански. А еще де и при толицѣмъ страстѣ, апостольскому слову глаголющу: аще кто растлитъ церковь Божію, растлитъ того самого Богъ, зане де отъ святаго крещенія челоуѣкъ бываетъ церковь Божія чиста и свята и непорочна:

¹⁾ 1691₁, 1691₂: преподобны

²⁾ 1691₂: но аще

³⁾ 1691₁: призванъ еси

⁴⁾ 1691₁: Адамля ... очищаетъ—*нѣтъ*.

⁵⁾ 1691₁: очищаетъ

⁶⁾ 1691₁, 1691₂: отнаде отъ

аще ли де кто ю блудно растлитъ въ себѣ, или въ другомъ чьемъ лицѣ, Самъ Богъ грознымъ и яростнымъ мщеніемъ и Собою мстити хочетъ таковыхъ, рекше нестерпимыми и прегрознѣйшими муками въ безконечныхъ огненныхъ и жупельныхъ мукахъ; и яко здѣ таковаго де ради небраковѣнчаннаго смѣшенія чужды обрящутся соборныя апостольскія церкви, въ будущемъ же вѣдѣ внѣ небеснаго Женихова чертога изгнани будутъ, зане осквернившіи боготканную одежду святаго крещенія.

Зрите, о возлюбленніи, како ли не добрѣ глаголетъ Писаніе, егда кто не боголѣпно словеса святыхъ приѣмлетъ, въ великъ брегъ стремнины ниспадаетъ. И наки вправду речеса, яко письмо убиваетъ, духъ же живить. Понеже по сихъ вышписанныхъ глаголѣхъ, не токмо мы, грѣшніи, или тѣ христіане и съ женами, но и апостолъ Павелъ и съ прочими святыми приговорены быти здѣ чужды соборныя апостольскія церкви, въ будущемъ же вѣдѣ внѣ чертога изгнаннымъ глаголете быти въ вышписанныя неизглаголанная муки, его же Павловыми глаголы и за его, Павловы же, уставы. Понеже ¹⁾ онъ тѣмъ, иже аще нѣщны, невѣрніи суще, законнымъ бракомъ совокупишеса и потомъ пристушиша къ вѣрѣ и крестисася, ссылаяся на Христа, уставъ имъ положилъ. глаголя: кождо въ званіи, въ немъ же призванъ бысть, въ томъ да пребываетъ; глаголю же безбрачнымъ, рече, и вдовамъ: добрѣ имъ есть, аще пребудутъ, якоже и азъ; а оженившимся завѣщаю, рече, не азъ, но Господь, женѣ отъ мужа не разлучатися, и мужу жены не отпущати. И не токмо якобы самъ отъ Христа таковъ уставъ положи, но и къ прочимъ инымъ уже и самъ отъ себе такоже дерзая, якобы и страннѣе сихъ, а таковъ же и равенъ къ имѣвшейся ²⁾ уставъ положи: прочимъ же глаголю, рече, азъ, а не Господь,—аще который братъ жену иматъ невѣрну и тая благоволилъ жити съ нимъ, да не оставляетъ ея. Здѣ ли вонми, возлюбленне брата, по Златоусту, здѣ глаголай всякаго простовѣрнаго, да не будеши ми глаголати оглашеннаго. Что бо есть творящее братство? Баяя накибытія, еже возмоши нарещи Бога Отца; тѣмже оглашенный убо, аще и инокъ будетъ, нѣсть братъ; вѣрній же, аще и мірянинъ будетъ, братъ есть.

И да не зазрите ми, о возлюбленніи, продолженіи слову, понеже бо довольно отъ васъ наказанъ есмь не предлагати вамъ вкратцѣ словеса въ разсужденіе ваше. Того ради аще гдѣ о чесомъ якобы намъ аще и благоразумна суть глаголемая, но намъ симъ ³⁾ братски не смѣетъ рещи, понеже довольнѣ отъ васъ повлачими есмы. И не чудо, душа бо любопытлива въ долзѣ словеси услышати обыче. Тѣмже сихъ

¹⁾ 1691, 1691₂: глаголы. Понеже

²⁾ 1691; къ имѣвшейся—*нѣтъ*.

³⁾ 1691; къ сихъ 1691₂: къ вамъ сихъ

ради да будутъ и да возвѣстится вамъ отъ насъ явѣ и яснѣ апостольская законоположенія, якоже и выше рекохомъ. Аще который братъ жену имать невѣрну и тая соблаговолить жити съ нимъ, да не оставляетъ ея; и жена, аще имать мужа невѣрна и той соблаговолить жити съ нею, да не оставляетъ его. Что глаголеши? пишетъ Златоустъ: аще убо невѣрный, да пребываетъ съ женою, аще ли же блудникъ—не кому? Идѣже меньшее есть блудъ отъ невѣрства? Меньшее убо есть блудъ, но Богъ твой ихъ щадить зѣло. Сіе и въ жертвѣ творить, глаголя: остави жертву и смирися съ братомъ своимъ. Таже да не боится жена, яко нечиста бывши за смѣшеніе,— глаголетъ: святить бо ся мужъ невѣренъ о женѣ вѣрнѣ и святится жена невѣрна о мужѣ вѣрнѣ. И толкуя Златоустъ о сихъ глаголетъ: и аще убо блудницы прилѣпляяся, едино тѣло есть, благоявлено ¹⁾, яко идолослужителю прилѣпившаяся едино тѣло есть? Едино убо тѣло есть, но не бываетъ нечиста; но побѣждаетъ чистота женска нечистоту мужню и побѣждаетъ чистота вѣрнаго мужа паки нечистое невѣрныя ²⁾ жены. Слышите, о возлюбленніи, како здѣ, по святомъ крещеніи, не токмо обѣ части, якобы вѣрныхъ, но единаго вѣрнаго, а другаго еще суца невѣрна, а безъ чиннаго церковнаго брака вѣнчанія, противу вашего толку, якобы сопротивляяся вашему законоположенію, той Павелъ и Златоустъ смѣшались и не боятся повелѣ; и не рече сицевымъ, по вашему: аще по крещеніи кто растлитъ церковь Божию въ себѣ или въ другомъ лицѣ, растлитъ того самого Богъ; ниже рече: яко оскверниша боготканную одежду святаго крещенія. Но не бываетъ, рече, не чиста, аще и едино тѣло есть со идолослужителемъ по смѣшеніи, но побѣждаетъ, рече, чистота женска нечистоту мужню и побѣждаетъ чистота вѣрнаго мужа паки нечистое невѣрныя жены. Како убо здѣ побѣдися нечистое, тѣмъ же и изволено бысть сопряженіе, о блуднѣй же женѣ нѣсть оглаголуемъ изгоняя ю мужъ? Зане убо здѣ надежда есть спастися погибшей части брака ради. Внимайте, возлюбленніи, яко же глаголетъ: брака ради, а не еже бы ³⁾, по вашему, блуда ради. Яже бо о блуднѣй женѣ пишетъ тамо же, рече: бракъ уже разрѣшися, и тамо убо обои растлѣваются, и того ради нѣсть оглаголуемъ изгоняя ю мужъ; здѣ же единаго грѣхъ. Яко что глаголю? Соблудившая единою есть нечиста: аще прилѣпляяся блудницѣ едино (съ нею) тѣло есть, и той бываетъ не чистъ, съ блудницею смѣшиваяся; сего ради отменяетъ вся чистота. Здѣ же не тако, но како? Есть нечистъ идолослужитель, но жена нѣсть нечиста ⁴⁾. Аще убо приобщилася бы ему въ томъ,

¹⁾ 1691₁: явлено

²⁾ 1691₁: невѣрныя—*нѣтъ*.

³⁾ 1691₁: погибшей части брака ради, а не еже бы

⁴⁾ 1691₁: 1691₂: есть не нечиста

въ немже нечистъ бѣ, глаголю — въ нечестіи, имѣяше и та нечиста быти. Нынѣ же инако убо нечистъ есть идолослужитель, въ иной же вещи приобщается ему жена, въ ней же нѣсть нечистъ; бракъ бо есть и смѣшеніе тѣлесъ, въ немъ же приобщеніе. И который бы, глаголетъ, рцы ми, вредъ, егда и яже благочестія цѣла пребываютъ, и толико богатство твоей чистоты! И нѣсть бо, рече, тѣлесъ нечистота, имъ же есть приобщеніе, но — произволенія и помысловъ. Таже и указаніе: аще бо нечиста пребываючи, рождаеши отроча же, не отъ самыя тебе, убо нечисто есть отроча, или отпону чисто? Нынѣ же нѣсть нечисто. Таже и наведе: понеже чада ваша нечиста суть (были бы), нынѣ же (свята) есть, сирѣчь не нечиста. Той же свята нарече преизобиліемъ и богатствомъ реченія, паки изгоняя сицеваго мнѣнія страхъ. И тако во всѣхъ церквахъ повелѣвая.

Тѣмже отъ сихъ словесъ, о возлюбленнии, хощу пристѣдѣти Павлу и вамъ, да не будемъ развращени отъ благочестивыя мысли посланіемъ вашимъ. Павелъ глаголетъ и Златоустъ повелѣваетъ пребывати уже сопряженнымъ бывшимъ, и не излишнихъ браней вины вводити. Не токмо якобы обѣимъ частемъ, бывшимъ невѣрнымъ и потомъ вѣрнымъ и крещенымъ; но аще которая жена мужа или мужъ имать жену и невѣрну, да не оставляетъ ю; каждо бо въ званіи, имъ же званъ бысть, рече, въ томъ да пребываетъ, еже толкуя Златоустъ: жену имѣя невѣрну званъ былъ еси, пребывай и имѣй ю, ради вѣры не изгоняй жену, бракъ бо есть. Тѣмже и изволено бысть сопряженіе и смѣшеніе тѣлесъ, въ немъ же приобщеніе, и да не боится жена, яко нечиста бывши за смѣшеніе. Вы же глаголете: понеже первое де кого сожитіе съ женою до крещенія по ветхому бысть челоуѣку, — всякому вѣдомо есть; и понеже де ветхаго челоуѣка, тѣбемаго въ похоти, совлечеса крещаемый, совлечеса и дѣяній его — отста де и отъ совокупленія жены, иже не по церковному освященію даемыя; и зѣло де бѣдовмѣтно и страха полно таковымъ смѣшати, кромѣ церковнаго брачнаго освященія, и сквернитися не по христіански. Павелъ глаголетъ и Златоустъ толкуя: но не бываетъ, рече, нечиста, бракъ бо есть, тѣмже и изволено бысть сопряженіе и смѣшеніе тѣлесъ, въ немъ же приобщеніе. Вы же глаголете и на сихъ ¹⁾: крещеніе бо отъ Адамля де первороднаго грѣха очищаетъ и отъ всѣхъ прочихъ его богомерзкихъ дѣяній обмываетъ, и отъ прежняго языческаго совокупленія очищаетъ; и да не глаголетъ де кто, яко до крещенія сшедшимся лѣтъ есть по крещеніи смѣшати; здѣ бо церковный законъ, яко ножемъ истинны, прерѣзуетъ вся извѣты и единѣмъ словомъ заключаетъ „вся прочая супружества“, кромѣ вѣнчанія ²⁾, безза-

¹⁾ 1691; инакихъ

²⁾ 1691; церковнаго вѣнчанія

конна; и яко таковаго ради небраковѣчянаго смѣшенія здѣ чужды обрящутся соборныя апостольскія церкви, въ будущемъ же вѣдѣ вѣ небеснаго Женихова чертога изгнани будутъ, зане осквернившіи боготканную одежду святаго крещенія. А Павелъ глаголетъ: кождо въ званіи, имъ же призванъ бысть, въ томъ да пребываетъ. И Златоустъ толкуетъ: нѣсть бо тѣлесъ ¹⁾ нечистота, имъ же приобщеніе и смѣшеніе тѣлесъ, бракъ бо есть; и пребывати уже сопряженнымъ бывшимъ, и не излишнихъ браней вины ²⁾ вводити. Не бо о иже никогда же спешшихся бесѣдуетъ нынѣ, по о сошедшихъ уже. Яко и вселенскій шестый соборъ, въ толкованіи 72 правила, свидѣтельствуетъ: аще же нѣдци, рече, невѣрніи суще, законнымъ бракомъ совокупишася, къ нимъ же апостоль глаголетъ: а оженившимся завѣщаваю не азъ, но Господь, женѣ отъ мужа не разлучатися и мужу жены не отпущати. О нихъ же правило 1-е, святыхъ отецъ въ Гангрѣ пишеть: аще кто законный бракъ порокуетъ, и вѣрну сущу жену и благочестиву и говѣйну, смѣшающуюся же съ мужемъ своимъ, ненавидитъ или поречеть, глаголя, яко сія не можетъ внити въ царство небесное, да будетъ проклятъ. И пакы того же собора правило 12 (14): аще которая жена оставляетъ мужа своего и отъйти хочеть, гнушающуюся бракомъ, да будетъ проклята. И не токмо о сихъ, законнымъ бракомъ совокупившихся обоихъ и потомъ крестившихся, таковъ законъ Павломъ ³⁾ и соборы положенъ. Но по свидѣтельству въ толкованіи правила 72 шестаго вселенскаго собора глаголется: аще же нѣдци, невѣрніи суще, законнымъ бракомъ совокупишася. Тѣмже слышите, о возлюбленіи, что глаголетъ: невѣрніи суще, законнымъ бракомъ совокупишася,—а не блудомъ рекоша святіи, якобы по вашему толкованію,—и потомъ убо мужъ невѣрный приступитъ къ вѣрѣ, жена же еще лестію одержима есть, и аще велитъ вѣренъ мужъ жити съ невѣрною женою, или вѣрная жена съ мужемъ невѣрнымъ, да неразлучается, по божественному апостолу. Таже глаголетъ Златоустъ: да не боится жена, яко нечиста бывши за смѣшеніе; тѣмже изволено бысть сопряженіе и смѣшеніе тѣлесъ; нѣсть бо тѣлесъ нечистота, въ немже приобщеніе, бракъ убо есть,—а не рече, по вашему посланію: блудъ, или: растлѣть его Богъ, но: святится, рече апостоль, мужъ невѣренъ о женѣ вѣрнѣ и святится жена невѣрна о мужѣ вѣрнѣ ⁴⁾ и: чада ваша нечиста суть, нынѣ же свята суть.

Вы же о сихъ вся сопротивная апостолу вашимъ посланіемъ къ намъ пишете. Павлу глаголющу: и чада ваша свята суть; вамъ же, съ Павломъ любопрящимся: имущія во чревѣ

¹⁾ 1691₁, 1691₂: тѣлесъ—*нѣтъ*.

²⁾ 1691₁, 1691₂: вины—*нѣтъ*.

³⁾ 1691₁: въ законъ Павловомъ

⁴⁾ 1691₂: и святится... вѣрнѣ—*нѣтъ*.

разсядутся. И мы, о возлюбленніи, не имамы разума о сихъ, еже вы пишете: чада ли та, святая, по апостолу, ли матери ихъ, имущія во чревѣ, разсядутся? И како разсядутся, да увѣмы: расколотся ли, или инако нѣкако разлопаются?—Еже мы не видимъ не токмо надъ тѣми же брачными женами и надъ ихъ отрочаты, но и надъ блудницами женами и надъ ихъ дочерями. Убо есть ли что сквернѣйшее діавола, пишетъ Златоустъ, умыслившаго проповѣдь, ходатайствующую муку пріяти покоряющимся? Зриши ли, коликими злыми подаетъ, рече, своимъ си муку и томленіе имъ отъ проповѣди и отъ трудовъ сихъ умышляетъ! И каковъ бы ихъ ¹⁾ врагъ и супостатъ онѣхъ спасенію все тако устроилъ? Зриши ли, рече, яко истину ратуяй и ничтоже можетъ, но себе уязвляетъ паче, аки противу рожну перый ²⁾. Тѣмже молю, рече, о всѣхъ благодаримъ Бога, яко намъ и труды облегчилъ есть, и мзды возрастилъ, ихъ же бо у васъ ³⁾, женившися цѣломудренно, наслаждаются мездъ, не наслаждаются у нихъ дѣйствующи, но дѣйствующи, рече, у еретиковъ казни блудящихъ быша повинны. Како? Все же бываетъ отъ еже неправымъ разумомъ творити что, но на оклеветаніе Божіихъ тварей и неизреченныя мудрости Его. Сего ради, опасая и наказуя, апостолъ глаголетъ: духа не угашайте, пророчествія не уничтожайте ⁴⁾; отъ всякаго ⁵⁾ вида зла огребайтесь,—не отъ сего, или отъ онаго, но отъ всякаго. Толкуи и Златоустъ: вся искушайте, рече, и ложная и истинная, да со искушеніемъ разсуждаете; и онѣхъ отгребайтесь ⁶⁾, и сихъ держитесь. Сиде бо и оныхъ зѣльная ненависть будетъ, и сихъ любовь будетъ, егда не просто, ниже безъ истязанія, но со опасствомъ вся творимъ. Якоже пишетъ Златоустъ, убо послѣднее есть время, въ послѣдняя бо времена, рече апостолъ, отступятъ нѣщцы отъ вѣры, внемлюще духовомъ лестчимъ и ученіемъ бѣсовскимъ, въ лицемѣрїи жесловесникъ, сожженныхъ своею совѣстію, возбраняющихъ женитися. Что убо, мы сіе возбраняемъ ли? Рече: женитися не возбраняемъ не буди хотящимъ, но не хотящихъ подвизаемъ на дѣвство; ино есть возбранити, и ино властелина оставити произволенія; возбраняяй бо убо всячески сія творить, а иже аки на большее дѣвство возводяй, не возбраняя женитися творимъ сія, но подвизая дѣвствовати.

Вы же, о возлюбленніи, такоже въ словесѣхъ пишете, якобы не возбраняя, глаголете, женитися; а сами и законныя, уже бывшія, браки, ихъ же пріяла и пріемлетъ апостольская

¹⁾ 1691: инъ

²⁾ 1691: црый

³⁾ 1691: бо насъ

⁴⁾ 1691: не уничтожайте

⁵⁾ 1691. 1692: вся же искушающе, доброе творите, отъ всякаго

⁶⁾ 1691: огребаетесь

церковь, отрѣваете и зѣльнѣ съ возбраненіемъ расторгаете; а не послушающихъ вы о семъ зѣло, видимъ, неправыми словеса (поносите) и противознаменія ¹⁾), якоже бы и стрѣлы пуцаемы, или, по Соломону, клятву якобы птенцы на сихъ посылаемы, испуцаете. Тѣмъ же нѣсть добра похвала ваша! Намъ же не чудо о сихъ. Понеже нѣкій отъ святыхъ глаголетъ: аще кому потреба бываетъ нѣкоего древа криваго, аще не обрящеть, рече, таковаго, тогда и правое туды кривить, куды ему надобно. Сице же и вы, о возлюбленніи, творяще, еже апостольское писаніе, приводяще по своему хотѣнію, искривляете, еже рече апостолъ: не вѣсте ли, яко храмъ Божій есте. Понеже бо о пресѣцающихъ церковь въ прежнемъ бесѣдоваше касается прочее и соблудившаго, иже отчу жену появшаго, явленнѣ убо не у, непредѣльнѣ же назнаменуя растлѣнное того житіе; и возводя грѣхъ отъ уже даннаго ему дарованія, ниже и инья посрамляетъ якобы: и вы разгордѣете, рече, а не паче плакасте, да измется отъ среды васъ дѣло сіе содѣлавый. То бо наносить, глаголя: не вѣсте ли, яко храмъ Божій (иже отчу жену появшаго) есте и Духъ Божій живетъ въ васъ; аще кто храмъ Божій растлить, растлить сего Богъ. Видѣлъ ли еси, пишетъ Златоустъ, срамленіе ²⁾ слова? Но донележе лице не явлено есть, не тако тяжко есть глаголемое, — всѣмъ раздѣльшимъ запрещеніе—страхъ: растлить его Богъ, сирѣчь погубить. Се же не проклинаящаго есть, но пророчествующаго. Храмъ Божій есть святъ, соблудивый же сквернавъ: таже да не мнится ко оному простирати слова, рекъ: храмъ Божій святъ есть, наводитъ: иже есте вы ³⁾). И сія вы свидѣтельства возведосте на ны, якобы и мы учимъ мачехъ поимати ⁴⁾), и женъ отчихъ за женъ имѣти. И аще бы тако, вправду и поистинѣ рекли есте: растлить сего Богъ, и: блудницы царствія Божія не наслѣдять, таже и о блуднѣй женѣ: нѣсть оглаголуемъ изгоняяй ю мужъ; а о сихъ, о нихъ же писали есте инъ есть образъ, якоже глаголють святіи: ихъ же потребно первое учити, потомъ же крестити, не токмо великихъ, но со всѣми домашними ихъ, сирѣчь съ женою и съ дѣтьми, якоже и нынѣ егда кто отъ жидовъ, или отъ еллинъ, или отъ иныхъ невѣрныхъ возрастнѣ лѣты восхощеть крещатися, первіе его православнѣй вѣрѣ научити, и научивъ, аще имѣеть жену и дѣти, привести его на то ученіемъ тѣмъ, дабы паки съ женою и съ дѣтьми и просто рещи—со всѣмъ домою своимъ святое крещеніе воспріяли. И по вашему посланію о сихъ людяхъ: по крещеніи, то имъ не мужи, а сіи не жены; якобы святое крещеніе разсѣкло и разрушило ихъ браки—

¹⁾ 1691: *въ рукописи*: и непротивознаеми.

²⁾ 1691: стремленіе

³⁾ 1691. 1691₂: храмъ Божій святъ есть, наводитъ: еже вы есте

⁴⁾ 1691: и мы учити начахъ то искати

то уже пресѣкло имъ и все плотское ихъ сродство. И аще бы кто того не хотѣлъ, а сродство или браки ихъ расторгать, и дѣтей ихъ мужей, тако и женъ отъ дѣтей разлучать то спряженіе ихъ не мѣшало. Якоже вы нынѣ глаголете и то, чтобы сего свару болѣе отъ того крещенія на вселеннѣй не было.

Егда при апостолѣхъ, и при царѣ Константинѣ и при Владимірѣ князѣ, тако ¹⁾ и при иныхъ во ина времена, не только тысящи многія, но и тмы темъ, якоже обноситъ Писаніе, по обращеніи ихъ въ христіанскую вѣру, крестилися; а еже браки ихъ, по крещеніи, расторгать, или сродство ихъ разсѣкать отнюдь никто изъ нихъ не дерзалъ, и за блудниковъ ихъ не поставлялъ, развѣ по совѣту восходящихъ на преимущее, сирѣчь на дѣвственное житіе. Якоже и апостоль положилъ: кождо въ званіи, имъ же призванъ бысть, въ томъ да пребываетъ; глаголю же безбрачнымъ и вдовцамъ, рече, добро имъ есть, аще пребудутъ, якоже и азъ; а оженившимся завѣщаваю, рече, не азъ, но Господь: женѣ отъ мужа не разлучатися и мужу жены не отпущати; такоже: аще которая жена мужа или мужъ жену иматъ невѣрну, да не оставляетъ ю; якоже пишетъ Златоустъ о нихъ: бракъ бо есть и смѣшеніе тѣлесъ, въ немъ же приобщеніе; таже: да не боится жена, яко нечиста бывши за смѣшеніе, и: пребывать, рече, уже спряженнымъ бывшимъ, и не излишнихъ браней вины вводити; не бо о сихъ никогда же шедшихся, рече, бесѣдуетъ нынѣ, но о шедшихся уже, — не рече бо аще кто хочетъ взяти невѣрную. О тѣхъ бо явственно въ Номоканонѣ Потребника пишетъ,—правило 72-е шестаго собора повелѣваетъ, яко не подобаетъ православному мужу еретическѣй сочетатися женѣ, аще же и будетъ, неключиму вмѣняетъ женитьбу и законопреступенъ бракъ. Такоже и съ латыни аще православная жена сочтется, съ распутствомъ брака и запрещенію подлежить, по 20 главѣ 3 стиха еже въ Матѣи: аще ни кто преступитъ уставленная, да отлучится. Того ради пишетъ Златоустъ: не рече бо апостоль: аще кто хочетъ взяти невѣрную, но: аще который иматъ невѣрную, сирѣчь аще кто, повнегда оженится и посягати, пріять слово благочестія, таже другая часть ²⁾ пребысть въ невѣрїи, и изволяетъ спребывать, да не растерзается; нѣсть бо, рече, тѣлесъ нечистота, имъ же приобщеніе; толико богатство твоея чистоты, и чада ваша свята суть; который бо, рече, рцы ми, вредъ, егда яже и благочестія цѣлая пребываютъ, и надежды будутъ благія о невѣрномъ; сихъ преизобиліемъ и богатствомъ реченія изгоняяй сицеваго мнѣнія страхъ; здѣ бо, рече, не ктому блуженія вещь есть. Якоже вы, о возлюбленнїи, о сихъ рекосте и тяжестно писасте во отчаяніе

¹⁾ 1691.; также

²⁾ 1691. 1692.: часть—*нѣтъ*.

христіаномъ, по святомъ крещеніи, за смѣшеніе мужемъ и женамъ безъ чиновнаго церковнаго браковѣчанія; аще де кто растлитъ церковь Божию, растлитъ де того самого Богъ, зане де отъ святаго крещенія челоувѣкъ бываетъ церковь Божія, чиста и свята и непорочна; аще ли де кто ю блудно растлитъ въ себѣ, или въ другомъ чьемъ лицѣ, самъ де Богъ грознымъ и яростнымъ мщеніемъ и Собою мстити хоцетъ таковымъ, рекше нестерпимыми и прегрознѣйшими муками въ безконечныхъ огненныхъ и жупельныхъ мукахъ, такового ради небраковѣчаннаго смѣшенія, и здѣ чужды обрящутся соборныя апостольскія церкви, въ будущемъ же вѣцѣ внѣ небеснаго Женихова чертога изгнани будутъ, зане де осквернившіи боготканную одежду святаго крещенія; а наипаче де при толикихъ страшныхъ запрещеніяхъ: Господу глаголющу: горе неправднымъ и доящимъ въ тыя дни; пророкомъ де оплакующимъ жениха и невѣсту, яже при послѣднихъ временѣхъ; апостолу де глаголющу: въ вавилонское разореніе гласъ жениха и невѣсты не услышится къ тому въ тебѣ; богословцемъ де отцемъ вѣщающимъ о таковыхъ, яко имущія во чревѣ разсидутся. Тѣмже къ симъ простите ¹⁾. — ни въ укоръ, ни въ поносъ, но въ правду отлагати ²⁾ вамъ: и аще о сихъ, по вашему толку, тако случилось быть, то нѣсть вамъ ни въ градѣхъ, ни въ селѣхъ нынѣ внитія въ дома, егда тѣ христіане, по святомъ крещеніи, по вашему толку, за смѣшеніе всѣ блудницы быша, и того ради уже не благовѣстники, но обманщики міру бываютъ. Понеже по Великому Иларіону, аще и не съ блудники, но съ мірскими токмо вертима смѣшающесе, просимъ у нихъ потребная и всеохотительны есмы у таковыхъ взимати и о грѣсѣхъ ихъ обѣщающесе молитися, — укоризна бо, рече, зѣло велика и достойна трепета ³⁾; помыслившу комуждо насъ, аки чисту самому смѣти рещи не только, по вашему толку, къ симъ во христіанѣхъ блудникомъ, но къ блудникомъ и міра сего: дай же убо ты мнѣ, а азъ о тебѣ Богу помолюся; еда бо, рече, серафими есмы или херувимы, сами грѣхи оплетены, а ны отрѣшающе ⁴⁾, или сами чисти еже ны омывающе, а наипаче тѣхъ, ихъ же и сами вы изглаголасте, яко пошти имъ въ вѣчную муку; а по возвожденю словесъ, о такихъ людяхъ Богъ и пророкомъ молитися отрече, кольми паче ихъ и намъ откажетъ. Или за свое дерзновеніе къ Богу, записавъ имена ихъ и взятія ради покушающесе умолити неприступнаго, небеснаго и страшнаго небеси и земли Творца? О, како не вѣмы ся, что творяще, а наипаче о сихъ, имъ же въ конецъ отрекосте спасенія надежду, тѣмъ же и

¹⁾ 1691: примите

²⁾ 1691: отглаголати (?)

³⁾ 1691: препона

⁴⁾ 1691: отрѣвающе; 1691z: отрекающе

они аще и дають ¹⁾ милостыню своей ради пользы, но невѣдѣнію и якобы прельщающесе творять. Егда нѣсть о ихъ спасеніи надежды, гнѣваетъ Бога и молитвенникъ о нихъ. зане, якобы мзду приѣмый, не о благихъ дѣлахъ, аки дерзновеніе имый, пририщетъ къ Богу, цату или двѣ во чпахъ свой приѣмъ, и, яко наемникъ за то, къ Богу съ дерзновеніемъ на молитву подвизается; а самъ извѣстную глаголетъ, яко пойти тѣмъ людемъ въ вѣчную муку, зане де тѣ люди осквернивши боготканную одежду святаго крещенія.

Тѣмже, о возлюбленіи, съ любовію, паче же и со слезами, и не вѣмъ како, и тако ²⁾ о сихъ молю васъ и, преклонь колѣна, поклоняюся: да не со гнѣвомъ отрините сихъ нашихъ бѣдныхъ словесъ и по всему къ вамъ грубыхъ ³⁾. Паче же помяните писанное, яко случится кому и отъ любве порицати ⁴⁾ кого, или лучше обличеніе и съ дерзновеніемъ паче крыемая дружбы, да не братоубійца кто вмѣсто братолюбца будетъ. И да познаемъ васъ благочестивыхъ и въ разумѣ премудрыхъ, яко обличеніе, по Соломону, токмо нечестивымъ бываетъ,—мозоліе изми, того ненавидятъ,—вамъ же, премудрымъ, дати вина и о томъ увѣряемся не быти безъ пользы. О насъ же, грубыхъ, да не подивите, аще не по васъ, но и противно васъ чтѣ глаголемъ; понеже пишетъ Златоустъ: егда убо миримся о разрушеніи истины, прегрѣшно есть, рече, и неподобно зѣло, таковой бо миръ не прииде Христосъ вложить, но противно паче; понеже бываетъ множицею и миръ на поврежденіе и далече божественныя любви отгоняющъ. Зане пишете и глаголете къ намъ на пресѣченіе всего православнаго христіанства, яко бы Господу глаголющу, по вашему толку, горе непразднымъ и доящимъ, за смѣшеніе по крещеніи женамъ съ мужами, въ тья дни. Но нѣсть сіе тако. Аще случится пріити на нихъ и Страшному суду, якоже самъ сый Христосъ во святомъ Евангеліи Лукою и Матѣемъ благовѣститъ: глаголю вамъ, въ ту ночь будета два на ложѣ единомъ: и единъ поемлется, а другой оставляется; тогда два будета на селѣ: единъ поемлется, а другой остається; двѣ мелющѣ въ жерновахъ: едина поемлется и едина оставляется. Явѣ бо отъ сего разумѣваемъ, рече Златоустъ, яко раби и жены не повреждаются ничимъ, аще хотятъ добродѣтельны быти,—елицы на селѣ, сирѣчь въ мірѣ семъ обрѣтаются, аще препростія и неучени, и не племенити ⁵⁾ родомъ же и богатствомъ, славни и неславни, ови праведни, ови же неправедни; и праведни убо приѣмлются, неправедни же оставляются во огни и мукахъ; мелю-

¹⁾ 1691.: о сихъ, иже аще и дають

²⁾ 1691.: инако

³⁾ 1691.: 1691.: бѣдныхъ и носему къ вамъ грубыхъ словесъ

⁴⁾ 1691.: покрыти. 1691.: прикрыти

⁵⁾ 1691.: не именити

щии же—суть множество женъ, обаче ¹⁾ и души, приѣмшии порабощенія яремъ, и, еже въ немощи ²⁾, скончаша житіе: суть бо жены неправедни и праведни, живущи бо, рече, о Господѣ,—на облацѣхъ возмутся на воздухъ и всегда съ Господомъ будутъ; нечестивыхъ же поженуть ³⁾ огнемъ неугасимымъ. Сего ради и Павелъ глаголетъ: аще который братъ жену имать невѣрну и тая соблаговолитъ жити съ нимъ, да не оставляетъ ея, и жена, аще имать мужа невѣрна, и той соблаговолитъ жити съ нею, да не оставляетъ его. И наказуя жену о сихъ, Златоустъ толкуетъ: да не боится жена, яко нечиста быти за смѣшеніе; есть нечистъ идолослужитель, но жена нѣсть ⁴⁾ нечиста; аще убо приобщалася бы ему о томъ, въ немъ же нечистъ бѣ, глаголю же въ нечестіи, имяше и та нечиста быти: нынѣ же инако: убо нечистъ есть идолослужитель, въ иной же вещи приобщается ему жена, въ ней же нѣсть нечистъ: бракъ бо есть и смѣшеніе тѣлесъ, въ немъ же приобщеніе. О блуднѣй же женѣ нѣсть оглаголуемъ изгоняя ю мужъ; здѣ же аще и идолослужительница жена, мужу праведное не погибаетъ; и чада ваша свята суть.

Вы же, о возлюбленнии, пишете на сихъ зѣло неправедно, якобы богословцемъ отцемъ вопреки сопротивляющися апостолу и Златоусту и вѣщающимъ о таковыхъ, яко имущія во чревѣ разсядутся. Но той паки вселенскій Златоустъ, аки исходя къ вамъ, о сихъ и отвѣтъ за христіаны творить, сице глаголя: и блаженства же, яже отъ Христа, не инокамъ токмо речена суть, рече, зане вся вселенная погибла бы и оклеветали бы ⁵⁾ суровство Божіе; аще же блаженства иночествующимъ токмо речена суть, а мірянину невозможно исправить я, той же бракъ попусти, убо той вся и всѣхъ погуби. Аще бо немощно съ бракомъ, яже иночествующихъ творити, вся погибша и растлишася и въ тѣсное затворена суть яже добродѣтели. Како же и честенъ бракъ, толико возбраняемый ⁶⁾ намъ? Что убо есть рещи? Мощно, рече, и зѣло мощно и жены имущимъ добродѣтель проходити, аще восхощешъ. Како? Аще, имуще жены, аки немущи будемъ; аще не радуемся о стяжаніихъ; аще міра употребляемъ аки неупотребляющии. Аще же нѣщии преткнущаяся отъ брака, да вѣдятъ, рече, яко не бракъ бысть преткновение, но произволеніе, злѣ употребившее брака. Зане вино ниже творитъ пьянство, но злое произволеніе и еже чрезъ мѣру употребляти. Якоже и о сихъ глаголется: горе

¹⁾ 1691. 1691₂: а наче

²⁾ 1691. 1691₂: вземлющи

³⁾ 1691. 1691₂: пожгутъ

⁴⁾ 1691: не есть

⁵⁾ 1691₂: быхомъ

⁶⁾ 1691₂: возбраняяя

бо, рече, во чревѣ имущимъ тогда, яко немогущимъ бѣжати, бременемъ чрева отягчаеми; доящип-же, милоующи чада, не могуще ихъ носити и спастися съ ними, не могуще и оставити. А не якоже вы глаголете: за смѣшеніе ихъ погибають купно съ ними. Также еще и преподобный Ефремъ пишетъ: когда издохнуть ¹⁾ младенцы на ложахъ матернихъ, умрутъ же и матери верху отрочать, тогда умрутъ отецъ и мати съ чады вкупѣ; но и то умертвіе ихъ не тѣлесное, но душевное. И индѣ сказуетъ Писаніе, еже умершихъ вѣрныхъ невѣриемъ, міролюбіемъ и покореніемъ князю тмы вѣка сего. А еже кому изволено бысть сопряженіе, къ тому пишетъ Златоустъ, со умѣреніемъ брака употребляй и первый въ царствіи будеши и всѣхъ насладишися благихъ. Аще ли невѣрный отлучается, да разлучится. Како же невѣрный разлучается? Сирѣчь аще повелѣваетъ ти жрети и приобщатися того нечестія ради брака, или обратися вспять: лучше расторгнутися браку, а не благочестію, тѣмъ же наведе, не поработися братъ или сестра въ таковыхъ.

Видите ли, о возлюбленніи, когда и чего ради той бракъ ихъ расторгается? Не бо святымъ крещеніемъ разрушается ²⁾; ниже за крещеніе свое жена отъ мужа разлучается; но како же есть? Аще, рече, невѣрный разлучается ³⁾, сирѣчь аще, рече, повелѣваетъ ти жрети и приобщитися того нечестія ради брака, или обратитися вспять: лучше же, рече, расторгнутися браку, а не благочестію. Тако бо и сами апостоли нѣкогда,—Павель отъ Нерона, Андрей отъ Реафа ⁴⁾ и Фома отъ Миздіа, за разлученіе женъ отъ мужей, пострадаша, якоже о нихъ пишетъ Іосифъ Волоцкій; яже выше и Златоустый здѣ толкуеть, глаголя: лучше расторгнутися браку, а не благочестію, и Павель глаголетъ: не поработибося братъ или сестра въ таковыхъ. Аще на каждо день, рече Златоустъ, біеть и брани подаеть, сего ради лучше свободитися. Сіе бо назнаменуеть глаголяй Павель: въ мирѣ же призванъ Богъ. Онъ бо прочее вину подаде ⁵⁾, якоже и соблудивый.—Сіе же вамъ свидѣтельство приносимъ, о возлюбленніи,—небо о иже, по Златоусту, никогда же спедшихся, но о спедшихся уже,—да не будетъ вамъ глаголати: аще кто похощеть ⁶⁾ взять и нынѣ невѣрную, да еще еретическимъ бракомъ совокупитися, и, посему де, возможно имъ будетъ смѣшатися.

Ни убо,—о сихъ бо инаковъ указъ изъ книги Матоея

1) 1691.; издохнуть. 1691.; тогда издохнуть.

2) 1691.; расторгается

3) 1691.; но како... разлучается—*нѣтъ*.

4) 1691.; Графа

5) 1691., 1691.; подаде къ расторженію

6) 1691.; восхощеть

Іерусалимскаго ¹⁾,—счиненіе по составѣхъ, объятіе всѣхъ винъ людскихъ, листъ 98 ²⁾,—еже онъ пишетъ: 72-е шестаго собора сице уставляетъ: не лѣтъ буди да православенъ мужъ женѣ еретицѣ совокупится, ниже убо еретику мужевнѣ жена православная да сопряжется. Но аще и явится что сичево, отъ котораго бы бываемо, не твердѣ менити бракъ и незаконное разрѣшати сожителство; не подобаетъ несмѣсная смѣшати, ниже со овчатемъ волка соплетати и Христовѣ части грѣшныхъ жребій. Аще же преступитъ кто отъ насъ уставленная, да отлучится: аще бо по градскому закону бракъ уставляется общеніе и наслѣдіе, божественныя и человѣческія, како сосложатся другъ ко другу, иже большимъ разнствуютъ, душевнымъ усвоеніемъ сопротивно мудрствующе о вѣрѣ? Тѣмже и по разрѣшеніи непрıklаднаго брака, и отлучитися приступающимъ сподобляетъ. Но сія убо онъ же брачнѣ нынѣ ³⁾ быти совокупающихся, иже единой убо странѣ еретическимъ прилежати преданіемъ, другой же православною держащейся вѣрою. Аще ли же и обѣ части, рече, егда брачнѣ снидошася, исперва православныхъ отчуждени бяху части, таже овъ убо позна истину, другое же еще тѣмѣ нечестія работаетъ,—не сего ради сожителство разрѣшается, якоже къ Коринѣомъ великій уставляетъ Павелъ. Аще бо воитъ, рече, съ невѣрнымъ жити вѣрная, или сопротивъ паки вѣрній съ невѣрною, да не разлучается; святитъ бо ся мужъ невѣренъ о женѣ вѣрнѣй, и сопротивъ паки. Обаче, зри, како ⁴⁾ и божественный апостолъ, снисхожденіе творя, аще воитъ, рече, вѣрная часть жити съ невѣрною; якоже не воитъ, безъ сомнѣнія, бракъ да разрѣшится. Уповающе ⁵⁾, яко начала ради бяху сія и начатокъ проповѣданія. Понеже зѣло мужи крамоляху тогда, того ради и жена, аще, пишетъ, имать мужа невѣрна, и той благоволитъ жити съ нею, да не оставляетъ его. Не просто же спребываетъ невѣрному пишетъ Златоустъ, но хотящему; тѣмже рече Павелъ: и той соблаговолитъ жити съ нею, и къ женѣ: что бо вѣси, жено, аще мужа спасеши? Сіе паки стягается къ еже: да не оставляетъ его. Аще бо не крамолетъ, пребывай, рече; имать бо приобрѣтеніе ⁶⁾: пребывай и поучай, и совѣтуй и увѣщавай; ни единъ бо сице учитель укрѣпити возможетъ, яко жена. И ниже нужду возлагаетъ ей всячески и истязуетъ отъ нея вещь, да не паки тяжчайшую содѣлаетъ, ниже отчаятися повелѣваетъ, но оставляетъ ю въ недоумѣніи, висящую неявиеніемъ будущаго, глаголюй: что бо вѣси,

¹⁾ На поляхъ: Матѣ. пр. 275.

²⁾ 1691г.: 28. 1691г.: 93.

³⁾ 1691г.: но сіе уже о иже брачнѣ познѣ

⁴⁾ 1691г.: паки

⁵⁾ 1691г.: уповаю же

⁶⁾ 1691г.: приобщеніе

жено, аще мужа спасеши? Подобная къ симъ и къ мужу пишеть: аще который братъ жену имать невѣрну и таяжъ благоволитъ жити съ нимъ, да не оставляетъ ея; аще и идолю-служительница жена, мужу праведное не погибаетъ; и что вѣси, мужу, аще жену спасеши? Того ради и пишеть Златоустъ: который бо, рцы ми, вредъ, егда и яже благочестія цѣлая пребываютъ, и надежды будутъ благія о невѣрномъ.

А еже днесь имящее: како есть мощно іудейну ¹⁾ или агарянину ²⁾ крещуся или крестившейся съ невѣровавшимъ (жити), къ нимъ же якобы уже и моленіе и совѣтъ много бѣше пріяти благочестье? Пишетъ Матѳеи Іерусалимскій: яко же, рече, и при патріарсѣ бысть Θεодотъ, присковичарь бо царскій всяко патріаршескимъ, рече, писменемъ распутится съ женою, непокоряющеюся мужеву, много молящуся благочестіе пріяти. Слышите, о возлюбленніи, что и Матѳеи глаголетъ? „Съ женою, непокоряющеюся мужеву, много молящуся благочестіе пріяти“: таковымъ и патріархъ Θεодотъ токмо уже бракъ распрызаетъ; къ прочимъ же, имъ же спряженнымъ бывшимъ и пребывающимъ въ вѣрѣ пишеть апостоль: да пребудуть въ надеждѣ спасенія своего,—обручихъ бо васъ, рече, единому мужу, дѣву чисту. Ое, новыхъ вещей!—пишетъ Златоустъ: въ мірѣ семь дѣвы пребываютъ прежде брака, по брацѣ же не ктому; здѣ же не тако; понеже обученія есть время—настоящее время, будущее же—брака. Но аще и не суть дѣвы прежде брака сего, послѣ брака дѣвы бѣваютъ. Тако вся церковь дѣва есть. Ибо, ко всѣмъ бесѣдуя, сія глаголетъ и къ мужу, и женамъ посягшимъ; но видимъ, что на Ся обручилъ есть ны. Которое вѣно? каковы и дары? Не злато, не сребро, но царство небесное. Тѣмъ же и глаголаше: о Христѣ молимъ,—и молить, егда невѣсту хотяше взяти,—сего образъ бяху,—яже при Авраамѣ; ибо онъ отрока вѣрнаго посла обручити отроковицу языческую. И здѣ посла Богъ рабы своя, обручающія Сынови церковь,—пророки свыше сія глаголющія: слыши дщи и виждь, и забуди ³⁾ люди Твоя и домъ Отца Твоего и вождѣетъ царь добротѣ Твоей. Видѣлъ ли еси и пророка обручающа: виждь и апостола со многимъ дерзновеніемъ сей глаголь вѣщающа и глаголюща: обручихъ васъ единому мужу, дѣву чисту,—преставити Христу. Христось же глаголетъ: аминь, глаголю вамъ, яко не имать прейти родъ сей, дондеже вся сія будутъ. Родъ рече—не тогда сущій, но родъ весь христіанскій, вѣрный; вѣсть бо и родъ отъ единоправія именовати Писаніе: яко сей родъ ищущихъ Господа. Понеже мятежи и рати, и измѣненію рече быти стихіямъ и вещемъ ⁴⁾,

¹⁾ 1691г. 1691г.: іудейнику

²⁾ 1691г. 1691г.: татаренину

³⁾ 1691г. 1691г.: и не забуди

⁴⁾ 1691г.: быти вещемъ

да не пщуютъ нѣдѣи, яко егда христіанство разорится? ни, рече: не преидеть бо родъ сей христіанскій, небо и земля измѣнятся, словеса же Моя и Евангеліе Мое не разорится, но пребываютъ. Аще и вся двинутся, но о Мнѣ вѣра не оскудѣетъ. Являетъ здѣ, яко церковь чистѣйшу имать всѣхъ тварей; ибо аще и тварь измѣнится, вѣрныхъ же церкви, и словеса ея и Евангеліе никогда же.

А еже вы, о возлюбленніи, писали есте на отсѣченіе брака, яко и пророкомъ де оплакующимъ жениха и невѣсту, яже при послѣднихъ временѣхъ; и апостолу глаголющу: въ вавилонское де разореніе гласъ жениха и невѣсты не услышится ктому въ тебѣ. И аще въ человѣдѣхъ на женихи сія глаголете, то зѣло несогласно съ сватымъ Евангеліемъ пишете; понеже въ томъ темномъ и падшемъ Вавилонѣ не токмо не услышится гласъ тѣхъ жениховъ, но, яко же во дни Ноевы, тако будетъ и во дни Сына Человѣческаго: ядяху, пяху, женяхуся, посягаху, до него же дне вниде Ной въ ковчегъ и приде потопъ и погуби вся. Тако же ¹⁾ будетъ и въ день, въ онъ же Сынъ Человѣчскій явится. Что же суть: и гласъ жениха и невѣсты не имать слышанъ быти въ тебѣ ктому? О семъ толковники явѣ отъ апостола возвѣщаютъ: Христосъ есть женихъ всякой души, вѣрующей во имя Его и творящей волю Его, ею же Себѣ возлюбилъ, ея же ради первымъ пришествіемъ Своимъ и съ небесъ на землю сошелъ; Той же есть и свѣтъ міру и свѣтильникъ въ темномъ Вавилонѣ, просвѣщающе свѣтомъ заповѣдей своихъ всякаго грѣшника. И гласъ сего Жениха, аще и исходитъ въ ушеса разбойника и блудника: приидите ко Мнѣ вси обремененніи грѣхи вашими и Азъ покою вы, понеже ярмо дѣвольской работы и тягости отъиму отъ выи вашей,—но не услышится гласъ Его. Такжеже и гордымъ ²⁾ и гнѣбнымъ гласъ Жениха, аще и исходитъ: приидите ко Мнѣ и научитесь отъ Мене, яко кротокъ есмь и смиренъ сердцемъ и обрячете покой душамъ вашимъ; аще грѣшни есте, но не побѣждаетъ Мя бездна грѣховъ вашихъ; всѣмъ бо обратившимся ко Мнѣ и покаившимся иго Мое благо и бремя Мое легко есть,—но не слышится гласъ Его, зане своимъ произволеніемъ удалилися за дѣволомъ и возлюбили прелесть его, и тому служатъ и волю его творятъ; и того ради въ день Страшнаго суда и въ конецъ отыметъ гласъ Жениховъ отъ упалаго и темнаго Вавилона, и къ тому уже милосердія Божія или призванія на браки, свѣтильника свѣта, пресвѣтлаго лица Его, не узритъ въ вѣки; и гласъ Жениха, такъ и невѣсты не имать слышанъ быти; понеже возвратятся грѣшницы во адъ и всѣ языцы, забывающіи Бога. Аще и глаголати будутъ: Господи, Господи, не вѣси ли насъ,—Ты насъ создалъ еси; Ты отъ

¹⁾ 1691. 1691z: По тому же

²⁾ 1691: къ гордымъ

четырехъ составовъ содѣйствовалъ еси, насъ считавъ: Ты души въ насъ вложилъ; Тебѣ вѣровахомъ, Тя Бога исповѣдахомъ, Тебе познахомъ Содѣтеля, о Тебѣ знаменія сотворихомъ, Тобою бѣси изгнахомъ; Тебе ради дѣвствовахомъ, дѣвство сохранихомъ, и плоть иссушихомъ¹⁾; Тебя ради чистоту возлюбихомъ; Тебя ради пришельцы на земли быхомъ, и глаголеши: не вѣмъ васъ, отъидите отъ Мене. Тогда отвѣщаетъ къ нимъ, глаголя²⁾: исповѣдасте Мя Владыку, но словесемъ Моимъ не покористесе; знаменіемъ креста Моего знаменастеся, но то немилосердіемъ безъ вѣсти сотворихомъ; крещеніе Мое пріяте, но заповѣди Моя не сохранисте, тѣло дѣвствомъ изнуристе, но милостыни не имѣсте, о имени Моемъ бѣсы изгнасте, но братоненавистіе³⁾ отъ вашихъ душъ не отринуте. И такъ потомъ отъидуть въ вѣчную муку, и гласъ ихъ не услышится во вѣки.

И по сихъ словесѣхъ къ вамъ, о любезніи, въ любовь склоненіе являемъ, къ тому и молчаніе да покажемъ, вѣдая ваше въ постничествѣ свершеніе и во учительствѣ изрядное остроуміе. Аще же и изглаголася отъ васъ, но вѣмы, откуда вамъ прилучися: сими⁴⁾ бо уже безстрастни есте, таковыхъ и другихъ хотяще быти, яко же и рекло Писаніе: всяко бо животное любить себѣ подобное. Но добро вамъ, любезніи, аще и таковы есте, но о себѣ глаголати, аще и съ дерзновеніемъ: по апостолу, хотящу⁵⁾, да вси челоувѣцы будутъ якоже и азъ—сему и мы, аще и многогрѣшни есмы, совѣтуемъ. О прочихъ же должно бы со апостоломъ и вамъ глаголати, да каждое свое дарованіе имать, овъ сиче, овъ же сиче; или гдѣ по случаю и къ симъ: что бо вѣси жено, аще мужа спасеши и что вѣси, мужу, аще жену спасеши? Точію коемуждо яко раздѣлилъ есть Богъ, каждое, якоже призванъ Господемъ, тако да ходитъ. И да не помышляйте, возлюбленніи, искусь нѣкій быти или ласканіе, яже нами реченная. И аще ли не сиче сія вся, и вы къ намъ о сихъ посланіе утвердите, да увѣмы вами, яже не тако глаголанная намъ.

И здравствуйте о Господѣ, всечестніи отцы.

Сообщилъ проф. П. Смирновъ.

¹⁾ 1691: дѣвство сохранихомъ, о Тебѣ плоть испытахомъ. 1691: плоть истаяхомъ.

²⁾ 1691: отвѣщаетъ и Той къ нимъ; 1691: отвѣщаетъ и Той къ нимъ; глаголя.

³⁾ 1691: но заповѣди Моя не сохраняете, но братоненавистіе

⁴⁾ 1691: сами

⁵⁾ 1691: хошу



САНКТ-ПЕТЕРБУРГСКАЯ ПРАВОСЛАВНАЯ ДУХОВНАЯ АКАДЕМИЯ

Санкт-Петербургская православная духовная академия — высшее учебное заведение Русской Православной Церкви, готовящее священнослужителей, преподавателей духовных учебных заведений, специалистов в области богословских и церковных наук. Учебные подразделения: академия, семинария, регентское отделение, иконописное отделение и факультет иностранных студентов.

Проект по созданию электронного архива журнала «Христианское чтение»

Проект осуществляется в рамках компьютеризации Санкт-Петербургской православной духовной академии. В подготовке электронных вариантов номеров журнала принимают участие студенты академии и семинарии. Руководитель проекта — ректор академии епископ Гатчинский **Амвросий** (Ермаков). Куратор проекта — проректор по научно-богословской работе священник Димитрий Юревич. Материалы журнала готовятся в формате pdf, распространяются на DVD-дисках и размещаются на академическом интернет-сайте.

На сайте академии
www.spbda.ru

- события в жизни академии
- сведения о структуре и подразделениях академии
- информация об учебном процессе и научной работе
- библиотека электронных книг для свободной загрузки